

926.

1447 Mai 23

Albrecht Sturm verpflichtet sich, schulden binnen eines Monats zu begleichen, und verpfändet sein Haus.

fol. 171r Albrecht Sturm hat gereth Caspar Lindner usz czu richtin 10 ½ alt ß gr bynnen eynem manden und sulche schuld mit seyn husze vor phant. Ab er nicht bezzalung tete, daz er sich sulcher schuld vor ydirmenlichen irholen sal. Actum 3^a feria ante die penthekostes.

927.

1447 Juni 11

Einigung über die Bezahlung für eine Arbeit am Altar des Hl. Leichnams.

fol. 171v Es ist in der gutlichkeit bereth und beteidigit von beydin rethen czwischin den brudirn und probistin des altares corporis Christi uff eyne und Toldner uff dy andern syten von sulchir erbit weyn, dy er an der monstrancyon czu dem altar gehorinde gethan hat. Also daz Toldner dy monstrancyon mit des altares und kalenden silber und golde, waz er doran noch nicht gemacht hat, gancz fertigen und bereiten sal. Davon sullen òm dy brudir des altares geben ye von eynir margk 5 alde ß gr der vordirn muncz ye 20^a) gr vor eyn alt, der 24 gr eynen reynischen gulden gelden. Was sy om doran nicht bezzalt haben und sullen sulchir sachin gancz gesunit und geeynit seyn. Actum dominica post corporis Christi coram magistro consulum Oswaldum Kaufman et suorum consedentium anno domini etc. XLVII.

a) nach Streichung, vorher 24

928.

(1447) Juni 15

Claus von der Hart verpflichtet sich Informationen über ein Gut vorzulegen.

fol. 171v Es ist bereth und beteidingit czwischin dem vesten Heynrich Raben und Clauszen von der Hart, also daz Clausz von der Hart gekort hat syne kuntschaft lebinde addir^{a)} briefflich ubir dy gutir eynczulegen und czu burgen und sich keyn Rabin (^beynen rath^{b)} laszin irkennen uff den suntag nach Laurentii schirsten komende, do denne eyn iczlichir uff beyden partyen noch notdurft dorczu mag reden. Actum in die viti.

a) über die Zeile geschrieben, ersetzt durchgestrichen und